


2

SANCTISSIMI DOMINI NOSTRI
PII PAPÆ SEXTI
ALLOCUTIO
HABITA IN AULA CONSISTORIALI VATICANA
Die XV. Februarii, MDCCLXXXV.
AD COMITEM ALOYSIUM BRASCHIUM HONESTIUM,
CUM EIDEM SOLEMNI RITU IMPOSUISSET
MAGNAM CRUCEM
ORDINIS SS. MAURITII ET LAZARI
A SERENISSIMO SARDINIÆ REGE
VICTORIO AMEDEO
DONO TRANSMISSAM,

BIBLIOTHECA NAT.
ROMA
VITTORIO EMANUELE



ROMÆ MDCCLXXXV.

Ex Typographia Reverendæ Camerae Apostolicæ.

RECEIVED

RECEIVED

RECEIVED

RECEIVED

RECEIVED

RECEIVED



Quæcumque peracta sunt hæcenus in
 hac Nostra sacri ritus perfunctione ,
 quam ad exitum jam perduximus ,
 omnia perspicue quodammodo reso-
 nare visa sunt munificentiam , libera-
 litatemque Carissimi in Christo Filii
 Nostri VICTORII AMEDEI Sardi-
 niæ Regis Illustris , qui Magni Ma-
 gistri Ordinis Militaris Sanctorum Mauricii & Lazari Per-
 sonam gerens Te , Dilecte Fili , pro sua benignitate vo-
 luit , & ejusdem Ordinis Magna Cruce exornare , & ad
 conspicuum ipsius Dignitatis locum extollere . Insigne nimi-
 rum hoc Magnæ Crucis eleganter pretioseque conforma-
 tum , quod Tibi modo ante pectus appendimus , amplissi-
 mum illius Regis est Donum , meritissimo Cardinali Gerdilio
 transmissum , ut ab ipso Tibi Regio nomine redderetur ;
 neque tamen illud est unum ac singulare , sed conjunctum
 etiam cumulatunquæ aliis Regiæ liberalitatis beneficiis , ex-
 pressis in Diplomate die XVI. elapsi Mensis Januarii dato ,
 Nobisque exhibito per Dilectum Filium Nobilem Virum Co-
 mitem Alexandrum de Vallispergia Regium apud Nos Ad-
 ministrum .

Non tua solum esse propterea debent omnia gratissimi animi erga Regiam Majestatem officia , sed ea præcipue Nostra sunt . Tu certe Eidem acceptum referre debes munus illud non minus honorificum , quam fructuosum : at Nos magis adhuc eidem obstrictos esse profiteri oportet , quod Nostri gratia permotus sit ad te illo honore augendum , idque in eo ipso Diplomate declaraverit .

Atque hic Te a Nobis primum excitari necesse est ad colendos singulari pietate Sanctos illos , quorum Nomine Ordo , cui adscriptus es , nuncupatur ; atque idcirco ignorari a te nolumus illum ipsum Equestrem , & Militarem Ordinem quamdam traxisse imaginem ab eo , quod peractum fuit ab Amedeo VIII. Sabaudia Duce , qui circa annum MCDXXXIV. cum aliquot nobilium Virorum Comitatu ad Ripalliam Diœcesis Genevensis secessit , ibique cum suis Eremiticum assumpsit habitum , ac pro sua pietate privatum quemdam fundavit Ordinem sub titulo S. Mauriti Martyris (a) , qui fuit Legionis Tebeæ (b) Primicerius (c) . Sed cum nullam servasset formam solemnitateque ex iis , quæ ad Religionem instituendam servari solent , factum hinc est , ut verum institutionis initium sub Titulo S. Martyris Mauriti recentius esset , a Prædecessore nimirum Nostro Gregorio XIII. sumendum , qui supplicante Duce Emmanuele Philiberto eam erexit sub Regula Cisterciensis in Sabaudia & Pedemon-tis Regionibus ad universæ , ut inquit , Italiae , totiusque Chri-

(a) Spondan. continuat. Annal. Ecclesiastic. Tom. 2. ad ann. Christi 1572. §. 26. P. Ignat. Hyacinth. de Gravesc. Hitor. Ecclesiastic. Tom. 9. Tabul. Chronologic. 14. pag. 504. edit. Rom. 1722.

(b) Acta Martyrii Legionis Tebeæ comprobantur Homil. 81. S. Maxim. Episcop. Taurin. ult. edit. Roman. & vindicantur ab objectionibus Minitri Dubourdieu a cl. Vir. Francisc. Anton. Zaccaria dissert. 10. Tom. 1. dissert. var. & recentius contra eundem Dubourdieu , contraque famosum Voltairum a Theologo Octavio Felice Baudisson in Actis Legionis Tebeæ adjunctis suæ Orat. in laud. SS. Martyr. Solutoris , Avertoris , & Octavii edit. Taurin. 1778.

(c) Primicerii Legionum nomen id Dignitatis est militaris , Tribuni Dignitatis proximæ . Dufresne in Glossar. Verb. Primicerius .

Christianæ Reipublicæ salutem , & commodum (a) . Vix tum duobus elapsis mensibus aucta hæc fuit ab eodem Pontifice alterius antiquioris latissimeque per Orbem diffusæ Militiæ accessione , Leproforum scilicet S. Lazaro Hjerosolymitano dicatæ , „ ut quod una in ipso initio per se agere per „ fecte non posset , alterius adjuta auxilio , & viribus ge „ minatis , fortior esset ad agendum , atque citius , & faci „ lius optatos Ecclesiæ Dei , & Christiano Populo fructus „ asferre posset „ . Atque ita ex duobus Equestribus Ordinibus unicus efformatus est , ac si ab exordio uterque fuisset conjunctim institutus , decorato eodem Duce Emmanuele Philiberto , ejusque perpetuò Successoribus Suprema Magni Magistri Dignitate (b) , & præscripta Crucis forma e duabus effecta , quarum altera viridis coloris in internis angulis divisa , erat Lazarinorum insigne , altera vero alba florigera , hodieque potior habita , S. Mauritii Ordinis Tessera (c) . Hæc autem privilegia , quæ modo diximus a Gregorio XIII. concessa , amplissime postea renovavit , confirmavitque Clemens VIII. sub Magisterio Ducis Caroli Emmanuelis (d) .

Ex memoratis igitur diversis Militiis constitutus est Ordo , in quem es ipse nunc adlectus ; quod a te in præsentia cognosci fatis esse existimamus , nam proluxa nimis oratione Nobis utendum esset , si Ordinis S. Lazari originem & statum referre aggredere mur . Ut aliqua tamen , eaque pauca delibemus : Nonnulli sunt , qui ortum illius repetunt a temporibus Apostolorum ; eos enim asserunt commississe septem Diaconis a sese electis , ut collatam in eleemosynas

(a) Constit. 8. ejusdem Pontificis in Bullar. nov. Roman. edit. Tom. 4. part. 3. pag. 336. col. 2.

(b) Constit. 10. ipsius Pontificis in citat. Bullar. Tom. eod. pag. 239. in fin. eundem Ordinem aliis Fundis , Privilegiis , & Indultis auctum fuisse a præfat. Gregorio XIII. liquet ex ejus Constit. 182. Tom. 4. part. 4. citat. Bullar. pag. 99. & Constit. 187. ibid. pag. 111.

(c) Breve Gregorii XIII. apud Samuel. Guichenon *Histoire Genealogique de la Royale Maison de Savoie* Tom. 4. part. 1. pag. 529. postrem. edit. Taurin. 1789.

(d) Constit. ejusd. Pontif. 315. in citat. Bullar. Tom. 5. part. 3. pag. 20.

pecuniam reciperent , ac pauperibus , & morbo laborantibus distribuere ; atque hunc in modum primos fuisse , prout in hoc Ordine appellantur , Hospitalarios (a). Addunt alii ipsum hunc Ordinem institutum fuisse ad Christianorum præsidium , quos persequi jam ab ipsa Jesu Christi morte Scribæ , Pharisei , Sadducæi , & Romani incœperant (b). Moderatores sunt alii , qui Lazarinorum Equitum deducunt ortum a S. Basilii Magni temporibus (c) qui amplissimam Hospitali Domum paulum extra Cæsaream Cappadociæ Urbem ædificaverat , a S. Gregorio Nazianzeno quasi novam Civitatem appellatam , „ in qua (erant) Ægroti , & „ vulnerum curationes , & Christi imitationes . (Basilus) „ non quidem sermone , sed opere lepram purgabat „ (d) . Imo Imperator Valens etsi Arianus ; „ Prædia quæ ibi habebat optima , pauperibus donavit , qui sub ejus (Basilii scilicet) cura erant , & toto corpore labefactati curatione maxima indigebant (e) „ . Cum hoc exemplo fundata pluribus in locis essent Hospitia Leprosorum , Societatem etiam , ac quemdam Ordinem inde plures opinantur institutum (f) sub S. Lazari invocatione , atque hunc fuisse a S. Damaso Pontifice approbatum . Verum hi omnes tanquam fabulosarum originum Auctores ab accuratioribus repro-

(a) Hermant *des Ordres des Chevaleries* , & alii apud P. Honoratum de S. Maria in Disertat. Historicis super *La Cavalleria antica , e moderna* . Lib. 1. Disertat. 5. Artic. 2. §. 2.

(b) De Belloy de origine de *la Chevalerie* apud eundem P. Honoratum loco cit. §. 3. in fin.

(c) Bernard. Giustinian. *Histor. Ordijn. Militar.* part. 1. Cap. 4. Bonanni *Ordin. Equestr. Catalog. descript.* 65.

(d) S. Gregorius Nazianz. *Orat.* 20. in laud. S. Basilii num. 91. 92. , & 93. Tom. 1. Oper. pag. 359. & 360.

(e) Theodoret. *Histor. Ecclesiast.* Lib. 4. Cap. 16. col. 2. in fin. Tom. 3. Oper. edit. Paris. 1642.

(f) *Relat. in Histor. Anonim. Ordin. Monastic. Religios. & Militar.* Tom. 1. part. 1. Cap. 32. §. 3. version. italic. quam anno 1714. conscripsit , & evulgavit P. Helyot valde commendat. in *act. eruditor.* Lips. ann. 1715. pag. 425. & a P. Honorato disertat. *Historic. Critic. super La Cavalleria* Lib. 1. disert. 5. Art. 2.

probantur Scriptoribus (a), qui consentiunt quidem de antiquissima Hospitiorum institutione, deque Societatibus ad præstandam Indigentibus opem conjunctis; sed inde consequi negant, ut Societates istæ in quoddam Ordinum Militarium Corpus jam tum coaluerint; cum nullum horum ante decimum sæculum appareat vestigium. Vera idcirco institutionis S. Lazari, ut nunc est, ratio, seu novi militaris status cum ejus pristino Hospitalariorum statu conjunctio, videtur omnino non ante duodecimum exorta sæculum (b), cum scilicet a Pontifice Max. Alexandro IV. illi Ordini fuit S. Augustini præscripta Regula. Jamque ex illo tempore facta cœpit ab eo Ordine exerceri militia, præstoque esse Christianis Principibus, qui in Palæstinam advenientes, pro sanctis ab Infidelium potestate vindicandis locis diuturna ac maxima illa bella gerebant. Singularis tum fuit in ipso Ordine jam antiquitus comprobata consuetudo, ut eligi in Magnum ejus Magistrum nemo posset ex Equitibus, nisi qui in Hjerosolymitano Hospitio ex lepra laboraret; isque usus apud eos tenuit usque ad annum MCCL.; quo tempore cum magna pars Equitum Leprosorum in prælio cum Infidelibus commisso cecidisset, coactique fuissent, qui supererant, à Syriæ finibus excedere, ad Innocentium IV. Pont. Max. detulerunt preces, ut in posterum ipsis liceret aliquem non lepræ morbo affectum, sed sanum atque incolumem in Magno Magisterio constituere, cum amplius pristina illa consuetudo retineri servarique non posset. Commisit tum Pontifex Episcopo Tusculano, ut, si sibi secundum Deum visum foret, expedire, Fratribus ipsis licentiam aliquem Militem facere, num

(a) Citat. Histor. Ordin. Militar. cod. Cap. 32. P. Honorat. in præfat. Art. 2.

(b) Eod. Cap. 32. Histor. Ordin. Militar. §. 10. P. Honorat. in citat. Lib. 1. dissertat. 10. Artic. 5. §. 4. P. Paul. Anton. Paoli Præses Academ. Nobil. Ecclesiast. Urb. Rom. in sua erudit. dissertat. de origin. & institut. Sac. Militar. Ordin. S. Joannis Hjerosolymit. Cap. 8. num. 20.

„ num è Fratribus Domus S. Lazari Hierosolymitani in ejus
 „ Magistrum de cetero eligendi , Auctoritate Apostolica.
 „ concederet (a) „ . Consequentibus vero temporibus Innocentius VIII. , ut facultates Equestris Ordinis S. Joannis Hierosolymitani augeret , eique opportunis ad resistendum Infidelium potentiae subsidii provideret , suppressit extinxitque S. Lazari Militiam , eamque cum suis Prioratibus , Praeceptoris , & Membris quibuscumque univit , & concessit praefato S. Joannis Ordini (b) . Verum Innocentiana haec Constitutio non ubique effectus consecuta est suos , subsistens non solum post ipsam in multis Provinciis , & Ditionibus eodem S. Lazari Ordine , sed ipso etiam a pluribus ejus Pontificis Successoribus , nunc his , nunc illis in locis redintegrato (c) . Cum autem illius contagii vis paulatim renisisset , numerusque eorum , quos Equites S. Lazari vocabant , fuisset imminutus , hinc postquam Paulus V. Praedecessor Noster ad preces Henrici IV. Regis Christianissimi novum instituisset Ordinem sub Titulo S. Mariae de Carmelo (d) , narrant Scriptores (e) eidem attributa fuisse bona , quae in Galliis ad Ordinem S. Lazari pertinebant .

His tibi per Nos breviter expositis , quid aliud nunc a Te praestari cupimus , quam ut , cum pares gratias ipsi Regi Magno Ordinis Magistro perolvere numquam possis , perpetua cogitatione collatum beneficium recolas ? „ Cui enim gratia referri tanta non potest , quanta debetur , habenda tamen est , quantam maximam animi Nostri capere possunt .

Sed

(a) Cit. Cap. 32. Histor. Ord. Militar. §. 11. idem P. Honoratus in dissert. 10. Artic. 5. §. 4.

(b) Constitut. ejusd. Pontif. dat. 5. Kalendas Aprilis 1489. relat. in Cod. Diplom. Lunig. Tom. 4. pag. 1486.

(c) Spondan. cit. Tom. 2. ad Ann. Christi 1565. num. 17. Histor. Ordin. Militar. cit. cap. 32. §. 14. P. Honorat. ead. dissert. 10. Art. 5. §. 4.

(d) Constit. 93. ejusdem Pontificis in citat. Bullar. Romano tom. 5. part. 3. pag. 297.

(e) Spondan. loc. proxim. cit. in fin. Histor. Ordin. Militar. part. 1. cap. 54. §. 3. P. Honorat. citat. dissertat. 10. Artic. 5. §. 4.


Sed ut ad Nosmetipsos convertamur , facile sane percipimus animo , quale , quantumque sit ejus doni pretium , quo præsertim amantissimus Rex hoc suæ liberalitatis argumento perspicue declaravit , quantopere Nostrum faceret erga se amoris existimationisque sensum , quem ut semper ipsi exhibere volumus , ita præcipue comprobavimus , cum ejusdem obsequeremur studiis in conferendis in eum Ordinem facultatum incrementis . Sed quid non illi deferamus , tribuamusque Regi , qui singulari in Ecclesiam est , Romanamque Cathedrali voluntate , quique tantum abest , ut quidquam detrahi in suis Ditionibus ab Sanctissimæ Fidei integritate sinat , ut etiam integram ibidem , incolumemque præstet Ecclesiasticam Disciplinam , neque ullum patiatur capere detrimentum ? Hic certe opportunus esset in præstantissima illius merita Nobis excurrendi locus , cum „ nulli alii magis hujusmodi laudationis munus , quam Nobis convenire arbitremur „ . Sed quid amplius , quid copiosius asferre possumus , quam quod de ipso , deque ipsius præclarissima , gloriosissimaque Familia ex certissimis monumentis adduximus in iis Litteris Nostris , quas Operibus S. Maximi Taurinensis Anno proxime elapso præfiximus , cum ea Nos edi , illustrarique curaremus . Illud hic tantummodo repetemus , omnes in ipso fulgere , atque eminere laudes „ quæ non paternæ cujusdam „ hæreditatis jure ad Posteror devolvuntur , sed ex propria „ virtute comparantur „ . At quod nunc dandum erat gratissimi in Eum animi Nostri indicium , hac ipsa exhibere volumus opera , qua functi sumus in ipsius Ordinis Magna Cruce conferenda , hac nimirum officii ac pietatis significatione munus Ipsius celebrantes , novisque deinde illud , cum opportunitas tulerit , animi Nostri testimoniis prosecuturi .

Hic iterum ad Te revertimur , Dilecte Fili , Tibique ante oculos ponimus , ac majorem in modum commendamus , ut ex hac die , qua in tam illustrem SS. Mauritii & Lazari Militiam ingressus es , omnino illud tibi agendum statuas , ut illi Regio Magno Ordinis ejusdem Magistro debitam fidem ,

dem , & obedientiam præstes , ut semper pro illius felicitate vota facias , ut Regulas omnes tuæ hujus Religionis , (a) ac instituta serves , neque unquam quidquam committas , quod Ordinis decori , quod ipsi Crucis , quam præfers , insigni ullo modo adversari videatur .


PLACETNE TIBI ?

(a) Milites non servantes absolutam castitatem , nequeunt proprie dici Religiosi „ Quia illi vivendi modi , secundum quos homines Matrimonio utuntur , non „ sunt simpliciter , & absolute Religiones , sed secundum quid , in quantum sci- „ licet in aliquo participant quædam , quæ ad statum Religionis pertinent „ docet S. Thomas Aquin. 2. 2. quæst. 186. artic. 4. 9. ultim. ibique Francisc. Sylvi. Litter. E. P. Honorat in cit. dissertat. 10. artic. 4. „ Solummodo igitur reputan- „ tur Ecclesiasticæ Personæ improprie , quia servant Regulam approbatam ab „ Apostolica Sede , gestant habitum Cruce insignitum , & Ecclesiæ servitio de- „ putantur ad præliandum pro ea juxta proprium Institutum „ . Ita de Equitibus S. Stephani censuit Collegium XII. Virorum , litibus decidendis Romæ præpo- situm .



R E S P O N S U M

COMITIS ALOYSII BRASCHII HONESTII .



EO reputans animo, BEATISSIME PATER, qui, qualesque sint, vel Ille, a quo profectum in me est amplissimum hoc Beneficium, vel Ille, a quo traditum; ejusmodi impostum mihi onus esse video agendarum gratiarum, ut eidem ferendo impar esse omnino debeam. Hinc singularem præstantissimi Sardiniae REGIS munificentiam agnosco, hinc Pontificis Maximi perhonorificam in me operam, studiumque conspicio. Mirifice utraque hac causa gaudeo, at ob utramque officii mei magnitudine opprimi plane me sentio. Sed cum Eos non ad vires meas, sed ad voluntatem, qua nihil cumulatus esse potest, respecturos confidam, ipsa hac amborum clementia eximie recreor, ac sustentor. Itaque, quod nunc possum, semper me præ oculis habiturum tam amplum, tam gloriosum, ac tam illustre munus profiteor, neque unquam intermissurum pro Tua, BEATISSIME PATER, Sardiniaeque REGIS incolumitate, felicitateque vota facere, ac me etiam Sanctissimis Patronis, quorum Ordinis insignia jam gero, commendare, ut eorum præsidio consilia omnia, actionesque meae ita semper dirigantur, ne unquam Vos possit impertiti mihi tanti honoris pœnitere.

THE HISTORY OF THE

ROYAL SOCIETY OF LONDON

FROM 1660 TO 1800

BY JAMES H. BREWER, ESQ.

IN TWO VOLUMES.

LONDON: PRINTED BY J. JOHNSON, ST. PAUL'S CHURCH-YARD, 1800.

BY APPOINTMENT TO HIS MAJESTY, AND HER MAJESTY, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

AND BY APPOINTMENT TO HER MAJESTY, THE QUEEN, PRINTERS IN ORDINARY.

